



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani Cum Divorvm Elogiis In Singvlos Anni Dies Distribvtis

**Brunner, Andreas
Pfeffer, Wilhelm**

Antverpiæ, 1637

S. Daniel Abb. 21. Iulii.

urn:nbn:de:hbz:466:1-44055

ubi? sub *prino*. papæ! neque mentiri se itè didicistis.
 Io! Innocentia triumphat. nunquam patrono cares.
 At vos capulares Veneris columbos jam lapidan-
 tium manus palpabunt. quid saxa, quid moras tra-
 hitis? obruite eja improbas Cupidinis victimas.
 Epitaphium ego dabo. *SUB SAXIS AMOR HIS IA-
 CET SEPULTVS. Ex Dan. ipso.*

*Differunt quidem inter se homo pudicus & Ange-
 lus, sed felicitate, non virtute: illius castitas felicior,
 hujus tamen fortior esse cognoscitur; sola est castitas, qua
 in hoc mortalitatis loco & tempore statum quandam
 immortalis gloriæ representat. S. Bern. ep. 42.*

S. DANIEL ABB. 21. Iulii.

IMpetraverat à Deo DANIEL hæredem viro,
 quocum illi hospitii familiaritas inrecesserat.
 Itaque hic eum patronum, at malevoli patrem
 etiam pueri vocabant. Sed pro innocentia pro-
 nuntiavit Innocentia altera. Infans nuper natus,
 qui jussus à DANIELE patrem palam edicere, di-
 gito in verum parentem conjecto, *hic*, agebat, *pa-
 ter meus est*, atque ita simul patronum suum absol-
 vit, simul calumniatores improbos damnavit. Sub
 hæc cum DANIEL Eulogium latomum cerneret
 in egentes præ aliis pium, precari apud Deum in-
 stitit, plures opes submitteret tam bene prodigo.
 Et annuere DEVS est visus, si pro Eulogio sponde-
 ret, divitias fraudi morum integritati non futu-
 ras. Convenit, spondit DANIEL. Igitur Eulo-
 gius cum saxis thesaurum eruit, ad aulam abit,
 honores mercatur, struit palatia, emit mancipia,
 splendide ac laute victitat. Adest DANIEL of-
 ficii sui amicum commonefacturus, sed surdam
 ad pauperis vocem januam reperit, verberibus
 pro

pro stipe oneratus. Anxius proinde cum à CHRISTO crucifixo exsolvi vadimonio postularet, annuit Filii nomine MATER MAGNA, mox etiam ipse FILIVS, eâ lege ne simile posthac vadimonium faceret imprudens. Interea Eulogius mortuo Imperatore, honorum fastigio opibusque omnibus excidens in laromias suas postliminiò devolvitur, mox cum paupertate pauperum amor & unâ virtutes omnes ab exilio revocantur. Tam malè, ô Divites, vitæ sanctitati cum divitiis, tam bene cum paupertate convenit. *Ex Pet. de Nat.*

*Prorsus beati pauperes Christi, quorum fides sic elu-
sit sapientiam mundi, ut soli, quis sit optimus divitiarum
usus, invenerint, quòd videlicet divitiæ pauperem
faciant, si diliguntur; divitem & beatum, si pro Chri-
sto contemnuntur.* Gueric. serm. de omn. SS.

S. WANDREGISILUS C. 22. Iulii.

EXemplo in paucis memorando WANDREGISILVS nobilissimam Sponsam conciliavit Christo; ipse Dagoberti aulam, cujus comes erat, Asceterio posthabuit. Inde revocatus regis imperio ad ipsa palatii limina currum rusticelli eversum magno labore, majore sui contemptu, è luto sustulit. Risere scilicet aulae mancipia, cum principem animum in cœnum abjicere se viderunt. At intempestivos cachinnos castigavit DEVS censor, quando, qui vestes purgaret WANDREGISILI luto asperfas, è cælo palam Ephebus adstitit, & servitia tam nobilia rex ipse Dagobertus invidit. Cum bonâ igitur hujus veniâ deinceps compluria Cœnobìa WANDREGISILVS nobilitavit, unum etiam ipse extruxit Fontinlense dictum, & sub signis monachos CCC. numer-

mera-